

歐北集

第十二
函十冊

甌北集卷四十五

癸亥

陽湖趙翼雲崧

癸亥元日

朝衣檢點候雞鳴遙托心香拜玉京南國柳梅春最早
中元甲子數方盈寢兵計日馳三捷納稼連年溢九耕
天不禁人無厭請又爲今歲祝秋成

覽孫以小除前一日生元旦抱見已二歲矣戲賦
歡聲繡褓出堂來正屆新年淑景開生甫四朝年兩歲
此兒應是早成材

兒女青紅喜過年誕生便有吉祥緣洗三纔把金錢浴
又佩新正押歲錢

看燈

何處鐘聲溢市閭，葛仙橋北露華初。
廣場千步春燈滿，月走游人火走魚。

新春卽目

東風冉冉到天涯，老向人間閱歲華。
死盡故人成魯殿，占先春色有唐花。
魚龍雜戲紛千隊，簫鼓歡聲溢萬家。
自是太平真景象，今年應又慶簪車。

劉瀛坡總戎七十壽詩

雍容裘帶翊昇平，早遂初衣舉壽觥。
福將臨邊無警報，嚴疆專閫有威名。
老猶射圃千鈞鼓，春正花朝百卉榮。

生辰在
花朝

象笏滿牀籌滿屋

公子皆
入仕

懸弧盛事占江城

新春招劉檀橋中允莊迂甫贊善洪稚存編修蔣
佩荃檢討讌集草堂適曾賓谷運使枉過遂并
邀入會皆詞館也江鄉此會頗不易得爰作詩
以張之并邀諸公屬和

五人詞館其家居合有春醪折簡呼甘榜輩行吾獨老
一堂風雅世應無占星或擬賢人聚入畫堪追學士圖
科目最先杯最後主人笑比飲屠酥

百年人物出柯亭故事猶傳舊典型兩髯霜甘居退院
一條冰恰稱寒廳是日誰當牛耳操剗澤我敢龍頭占管

寧林下漸多朝右少諸公應早赴彤廷

辛盤正擬具壺觴忽有干旌過草堂未便帶符幃尉坐

已如里改鄭公鄉儒餐野味無官鮮翰苑虛名漸餽羊
扶起雅輪須大力期公北斗領文昌

江陰道中

春陰風雨黯孤舟塵事勞勞愧白頭兒女債多何日了
江山景好別人遊海深塊石填難滿漏盡芒屨走不休
無可解嘲聊引古唐風蟋蟀職思憂

別

巨超練塘兩詩僧自焦山過訪枉詩投贈卽次送

焦廬北望暮雲遮飛錫何當款帳紗晴久麥芽初得雨
春遲梅蕾未開花林間吟社僧分席天下名山佛作家
準擬今年來結夏鶴銘磯畔落帆斜

送彥兒赴崇明教諭任

仕籍幾難繼寒氊尚正途幸非男作匠聊說世爲儒接
士勤三吐論文舉一隅此官多暇日莫忘讀書劬

汝本馮河斧天教渡海行俾嘗風浪險始覺夢魘驚涉
世類如此持身詎可輕凜乎如朽馭跬步視初程

璞畱姬隅集令嗣少鈍已爲刊行翻閱之餘泣然

有作

故人已殉蜀山高遺稿猶看戰伐勞歸骨難歸千鳥道

斫頭便斫一鴻毛國隆卹典官修祀已奉旨入昭忠祠天報忠

冤子擁旌少鈍已官成都守可惜韓陵碑手筆不教畱賦洗弓刀

題竹初自述文

趙岐斷墓石司空誌生壙竹初自述文亦以代家狀讀
之見其真自處尋常人一語無矯飾詞卑意彌淳古來
三不朽皆出常人手祇此擇地蹈循墮走身不踰檢閑
官不曠職守得時可奮幹濟功不遇亦作釣游叟豈必
鼻息衝雲漢脚步踏星斗穿溟滓界透險重遊閭閻鄉
隘州九然後魁奇絕輩流俶詭駭儕偶君今安其常乃
更謙而光若論名行及才藝我覺此文猶未備學有兄
在專師資詩令兄
文敏公產此仲多均活計待仲兄
篤恩誼出無官謗民歌

襦歸有去思人墮淚

宰郭縣
以病二

餘事更兼風雅宗詩思文心

兩精銳工書善畫各入微學佛求仙並深契倘得巨手
爲鋪張將垂史乘芳更炳金石光君乃不乞韓歐陽并

不假趙子昂董其昌白搨一枝雞毛筆直寫素履無避
藏想見寒窗夜深悄熒然一燈含毫逸一念不將衾影
欺寸長未敢竿牘表此卽供狀到閻羅不用減增另具
稿偉哉此正非常人只把常人之事了

題江陰單寧齋明府小照

披圖想見十年前績學餘閒結靜緣年少仙人王子晉
風流詞客杜樊川杏花紅潤含宵露柳葉青舒抹曉烟
身未出山春意滿早儲康濟待敷宣

我見先生已有髭琴堂單父正調絲早裁滿縣花子樹
但飲澄江水一卮薦牘共推三異最御屏應覺九遷
遲此圖畱作東山景聊記潛居舊履綦

題左蘭成詩卷

一編冰雪淨聰明占得清新兩字評
不數當年庾開府江南今又一蘭成

綺麗清才出水蓮工夫那更似珠圓
只疑數十年成就誰識安仁正少年

師門衣鉢數袁王

曾受業於才夢樓之門

是我同遊舊輩行今日兩

人俱宿草傷心忽作魯靈光

不因貲算掩才名絕似崑山顧阿瑛
好掃花陰遲老鐵轡杯來泛草堂清

同兒孫上塚

出郭扁舟一葉輕新蔬上塚正清明
童孫喜見春光好

折得桃花帶進城

閔邸報秦楚蜀三省同時奏捷軍事告藏喜作凱

五言春歌

露布星馳到玉京
鐃簫大凱溢歡聲
雨來盡洗川原血
風掃都成草木兵
豈有盛朝容伏莽
從看率土淨銷萌
莫輕一片紅旗影
多少軍儲始告成

久享恬熙習故常
時艱始見國恩長
七年征繕無加賦
幾處流移有發倉
驅犢歸犁荒地草
課蠶重理故園桑
遺黎灑泣私相語
都賴朝家續命湯

蕭蕭班馬過歸師
西土依然好繡圻
天下江山奇絕處
積年盜賊掃平時
烏烏聲樂征人幕
鼓角風清大將旗

烽燧盡消天日朗彩霞五色絢晴曦

杖杜詩成喜氣重深宮五夜第勲庸裹屍馬革三壇祭
錫命龍章五等封遠戍兵歸身脫劔大酺人醉手扶筇
潢池何代無征勦駿烈堪勒鼎鐘

今歲閏在仲春春光較多一月而風雨連旬晴和
反少於往年詩以誌感

枉着天公問仲春風風雨雨動兼旬百花不是黃楊樹
也似身遭厄運屯

正喜春長緩緩過暗中偏已減陽和可應天亦隨風氣
近日人情口惠多

偏仄吟成一畝宮芒屨難踏落花紅仲殊詩句時堪慰

春在濛濛細雨中

結習

不知何事日匆忙食蓼搬薑習未忘身後名難膏朽骨
案頭書且沃枯腸清齋摩詰翻經課老學荀卿炳燭光
捲起董帷還一笑有人晞髮向扶桑

重三出遊

年紀七十七風光三月三力猶能健步景更引幽探臨
水觀魚戲尋花共蝶憨陽春無盡藏多取不嫌貪

野步

同此光陰逝水流與其枯坐不如遊野花晝暖香迷蝶
古樹年深大蔽牛不著胭脂春自麗但聞鷄犬境逾幽

只慚賣酒人家笑此老無錢掛杖頭

前歲作牡丹詩頗不愜意今日對花再作四首

更無花可鬪芳菲飽受陽和始吐輝
詞客文章惟宋艷美人姿態有環肥
人因貴重皆矜寵蝶亦溫存作軟飛
騙得遊春忙十日滿城裁盡綺羅衣
紛紛桃杏盡開過晚出從容燦曼陀
十戶貴猶嫌價少甘番風獨占春多
光浮花外三分暈味在香中一片和
只恐女郎嫌太重不教插上髻盤螺

園林無此不能豪旁護朱欄上碧綃
畫以胭脂猶欠活生來富貴自多嬌
花頭端重風迴陣粉靨醺酣酒上潮
最是精神全發越線睛驗取午時猫

穠華恰趁艷陽天
繭栗開成徑
人圓紅藥自甘充婢賤
青蓮曾以喻妃妍
豪宜党尉銷金帳
陋笑蘇家藥玉船
佔得繁華仍不俗
由來姿韻本花仙

耶抄

闕宮齋宿翠華過
狙伺驚傳起馭娑
幸有扣刀娥永樂
早擒觸瑟莽何羅
地嚴姦宄那藏匿
福大神靈自護呵
不究根株速成讞
如天

聖度所全多

偕王仲瞿孝廉蔣于野秀才游洞庭東西兩山時
吳縣湯明府爲治裝

足跡半天下
南戒徧登眺
家鄉有名區
垂老乃未列
枉

自稱好遊將被向平笑邂逅天假緣偶泛夷舫權洞庭
近百里山靈默相召辦裝有賢侯結伴得同調遂果此
願償湖山領佳要胥口布帆開一鷺已前導

洞庭本湖名今名湖中嶺七十有二峯東西列屏整聞
有靈威書禹跡藉導引鴻冥用里村龍隱榜毅并明知
語荒唐烏有如捕影卻因流傳久典故千秋永遂令好
事人雖幻亦引領豈慕湘瑟鏗寧尋鄂被冷一聞蠡山
名恍在九疑頂微雨忽空濛恰作瀟湘景

探奇先東山村落何葱鬱田少人戶多不供一頓粥卻
因營貿遷術善操盈縮遂多擁高貲鱗次總厦屋其俗
況淳朴目不見可欲隨時山有果過午市無肉相見各

愛敬善氣藹可掬人間真樂郊安得一椽卜
莫釐最高頂俯瞰全湖光三萬六千頃浩漭盪我腸其
下多奧區妙又在隱藏面湖島淺露每借山爲障山所
不障處護以竹木蒼最好古雪居濃綠森千章不知上
有天但覺翠幕張清風颯然至毛竅俱清涼何當來結
夏快此被襟當

西巘有絕壁其腹忽嵌空不斧鑿而破不棟桷而穹造
物亦好奇傲人智力窮創此無梁殿庠豁占百弓仰睇
衆硯礪一一倒挂胸壓卵倘一落命在齏粉中巨壑終
渾成萬古含絳纈遂覺此頑石八面開璣瓏圉圖質雖
蠢混沌竅已通不知命名初何以呼石公

林屋古洞天一穴入地底相傳通峩嵒誰與證遐軌我
來秉炬探實可五六里蝙蝠驚火光撲面亂飛起其下
坎陷處膝行不得跬匍匐泥滿身笑比負塗不過險又
空濶一喊甕聲唯恐有饑蛟藏口饒奮舌錫老膽亦生
怯路恰隔凡止

洞盡處有幅凡
二字王荦所書

迴身作猿升經時始見晷乃

知向所歷湖在頭上矣

昔有席允來湖樓寄嘯傲乘興泛湖回放鶴先歸報紅
粉盡出迎笙歌兩行導又有徐尙書宦成得予告猶令
修官書設局此巉巖號名諸名士全集赴蘭棹嗚呼彼
二人一富一貴要各擅意氣衰湖山增照耀至今訪遺
迹已無龜可弔何況我輩來偶然快登眺他年鴻爪痕